

Nwàk nè Pol à Còm Fa TAITÒS

Taitòs à ka ηwəə Jus yeη. Mvə'nè yi à bùuη krətèη fana yi tēsə Pol bə fàak sè nà' à sə gùè lòo sə. Pol à còm fa ηwàk ènə bohòyi nga yi sə cu mvwe' lak Krit. Pol nòηsə Taitòs nè mvwe' lak Krit anə ya nà'a sə jəη ηkərè bə fàha sè mummvwe' cos nè fò' nə.

ηwàk nè tse' bum tɛ' sè ηgòcèp bə zeη. Nè mò'fis də nà' sə fa Taitòs ntip bə nsàp ncu nè aco bùu sè mantombi mɔ cos sə cum mɔtsətsə'rəə bùu lak Krit, sè wo wɛ' nè ye mfiɔ. Ntip nè ba nè yi sə fa Taitòs nè də nà'a riη yusə ηgòyərə bòop bùu sè zəzok mɔ cos sə. Ntip nè tɛ' nè də krətèη wèη tse' ηgòye lɛ fùə, nè sə ye bohòbwìη pwe' sè' bəbòη. Wo kà liη ηwə nəmòk bɔp to, nè kà də wo sə kɔəm sè' duk.

¹ Còm ηwàk nè'e mùu Pol nè mɔ nga fàk Nwì nè ye nga ntum Jisòs Krest. Krest nè a cokfis mɔ də ya mɔ tēsə bùu sè Nwì a cokfis yà'wèη sə, ya nga wo fa ntum awo bohòyi, nè ye sè' də ya wo riη wesə zinə nè nà'a gùgè ηwè ηgòwəp Nwì bə ntum nè mò'fis nə. ² Mvə'nè mù sə fàk bohòyi fana mù sə naaη tu ηgòkè tse' lùη nè nà'a nè kà mè nə. Nwì ànə kak bwìη njamòk laη də yi nè fa bwìη lùη ànə. Yi kà mɔwès cì'gè. ³ Mvək nè à wès fana yi fis və lùη nè. Yi à fis nì fa bwìη nà' bə ncèp nè yi a fa ndzə bohòmà nə. Yà'a yusə

yà' a gùu ηkuη mù sə tsòho fa bwìη ncèp ènə ηga a duk mu ve'nə Nwì nè yi ηgà lùηsè ves nə.

⁴ Mù sə còm fa ηwàk nè'e wùu Taitòs. Wu co mo àm nè zìnə bùusè vesù tse' dzədzəm nè mò'fis. Mù ləη Nwì nè yi Tè' àvès bə Jisòs Krəst nè yi ηgà lùηsè ves nə də wo gə wu bəboη, nə fa wu fifi.

Fàak Sè Taitòs Tse' NgòGù Mə Còds Sè Mvwe' Lak Krit

⁵ Njə nè mù ànə me'rə nonşə wu mvwe' lak Krit à ye də ya wu gùhə tsə'rə bum sè yà' ka mə cos anə mvè'nə yeη yà'a. Mok ye sè' də ya wu cok nonşə lo bù ηkwàha bùu sè mvmvwe' cos nè mvwe' buk lak nè fòpwe'. Sə tsəm tse' də mù à duk wu də, ⁶ ηwè nè wu cokfis yi də nè'e ηwè nè mantombì fana ηga yi ηwè nè bwìη rì yi də yi ηwè nè yi tse' zìnə, nə tse' megu ηwàηwè mò'fis. Bwe ye tse' ηgòye bwe sə wo dzəm bohòJisòs Krəst fana kùugì awo ye nsàp nè kaco bwìη duk fa wo də wo ηgàa lohòntu' yeη, nə kà gəgutu sè' ye. ⁷ Nwè nè yi mantombì co tu mə cos, nə sə fàk yà'sə fàak Nwì fana ye də kùugii ye nə ye nsàp nè bwìη riη yi də yi ηwè nè yi tse' zìnə. Yi kà ni' sə nè, nə kà bum nənàk sə jòk. Yi kà rùk lələ dzəm, nə kà ηgà lùlù ye, nə kà mbàm lələ dzəm. ⁸ Yi ye lə nsàp ηwè nè yi dzəmgè də bwìη vè nda'à yi, nə sə dzəm yusè yà'a bəboη. Yi ye ηwè nè yi tse' ηkərè, nə sə gə yusè yà'a kəkərè. Yi ye ηwè nè yi sə fàk bohòNwì bə ntəm mò'fis, nə ye ηwè nè yi kogè ni'. ⁹ Yi nə ye tsooη nsàp ηwè nè yi sə kotse' bum sè vès à yə'rə fa weη sə cùk, ya ηga yi tip riη bùu mok wèη bə ncèp nè

rərəŋ sè', ya yi niŋtsok fa to bùu sè wo sè fenə
yi wèŋ də yà'wèeŋ bə jòŋ.

Pol Dək Də Taitòs Sa'rə Ngàa Gətu

¹⁰ Gəgəuŋ tu bwìŋ cu wùriŋ, nə kà nsàp nè
co wo sə yə'rə də bwìŋ kom tsooŋ tu mbəmbam
yà'a ye wesè. Wo sə cèp ncèep ləm, nə sə borə
bùu mok wèŋ. ¹¹ Gə wo ŋga wo lok cùu awo
sə, bùusè wo sə yə'rə fa bwìŋ bum sè yà' ka zeŋ
yeŋ, də ya wo tse' megu mbəm bə zeŋ. Yà'a yu
marè'tu. Wo sə bərə màk bwìŋ bə ndap awo
pwe' bə nsàap ncèep awo yà'sə. ¹² Nwè nəmòk
nè yi la'à wo fa'nə, nè yi tsòhogè bum sè yà' ka
ntòye nə, a dək də, <<Bùu lak Krit wèeŋ ŋgàa cì'
mwès, də yà'wèeŋ co nàamŋgòŋ, nə ye ŋgàa
wè', nə sə dzəm megu ŋgòzə bum cùdak.>>
¹³ Yusè yi à cèp sə yà'a zìnə. Ye də wù tse' ŋgòcèp
sa'rə wo gəgəŋ, ya wo dzəm megu yusè yà'a zìnə
sə. ¹⁴ Kà də wo sə yu'rə ŋgàam sè ŋgwàŋ sè
bùu Jus wèŋ sə tsòho ke' yà'a nə ye bə lùuk sè
bùu sè wo a bwì fa zìnə nə ŋkwèŋ laŋ wèŋ a gù
yà'a dək. ¹⁵ Nwèe ye-a ŋwè nè ntəm rərəŋ, ye
də bum pwe' nə ye bohòyi sè' rərəŋ. Nwè nè
ntəm nje a bup laŋ, nè də yi ka dzədzəm tse'
fana yumok ka bohòyi rərəŋ yeŋ. A ve'nə bùusè
ŋkərèə awo bə tsətsərèə awo pwe' a bup wes
laŋ. ¹⁶ Wo sə jəŋ ni' awo co bùu sè wo rì Nwì,
nə sə gə bum sè yà' sə niŋtsə' də wo bèn Nwì
nə. Wo yà'sə bùu sè bup, nə ye gəgutu, kaco wo
gə yumok sè yà'a bəboŋ yeŋ.

2

Pol Tsè' Fa Taitòs Yusè Nà'a Yè'rə Fa Bwìŋ

¹ Bohòwù yòfana wu yè'rə fa bwìŋ ncu nè nà'a kèkurè bùu bum Nwì sè zìnə sə. ² Tsok fa bù ñkwàha bwìŋ wèŋ də wo jəŋ bum pwe' fùè, wo ye nsàp nè co bwìŋ wəp to wo, fana wo sə tse' tu sè'. Wo dzəmtse' bohòKrest nə bə nsàp nè bəboŋ, wo sə dzəm bwìŋ, nə təəŋ gəgəŋ sè' nsàp nè bəboŋ ànə. ³ Tsok fa bàa ñkwàha bwìŋ wèŋ də wo sə gə bum co bùu sè wo rì Nwì. Wo kà bwìŋ sə yò, nə kà rùk sə no jùhù. Wo sə yè'rə fa bwìŋ yusè yà'a bəboŋ, ⁴ ya ŋga wo tip riŋ bwi wàhanŋwèŋ wèŋ ŋgòdzəm ndum awo, nə dzəm bwe awo sè'. ⁵ Wo yè'rə wo sè' ŋgòtse' ñkərè, nə ye ŋgòye zìnə bohòndum awo sè rərəŋ, nə kotse' riŋ ndap awo bəboŋ. Wo ye bəboŋ, nə sə yuk ndum awo ya ŋga ŋwèe kà mandzè mòk ŋgòcèp yumok sè bup bə ncèp nè Nwì nə bùu wo tse'.

⁶ Tsok fa bwe wàhanzùm wèŋ də wo jəŋ ñkərè bə ni' awo. ⁷ Yusè wù sə gù yà' sè' pwe'fo', wù gə yà' bə nsàp mandzè nè co wo sə ye jəŋ fàak bəboŋ sə bohòwù. Bum sè wù sə yè'rə fa bwìŋ fana wù yè'rə yà' bə zìnə, nə kà jap ñàhà. ⁸ A sə tesə kè cùhu wù anə ncèep sè bəboŋ sè kaco ŋwè cepto yumok sè bup bə zəŋ yeŋ. A ye ve'nə ya ŋga marè'tu ko bùu sè wo sə bèn yusè vesùwèŋ sə yè'rə sə, bùusè wo ka yumok sè bup ŋgòcèp bə liŋ avès sə tse'.

⁹ Tsok fa bùu sè wo cu ñkwèŋ wèŋ pwe' də wo sə yuk masàa awo sə, nə sə gə co masàa awo sə sə kwa bohòwo bə yusè wo sə gù sə lòŋ. Wo

kà duk sə fi', ¹⁰ nə kà bo sə sòhò. Wo sə fak ɛ bə mandzè nè aco bwìŋ naaŋ tu bohòwo, ya ŋga bwìŋ yə yusè wo sə gù sə fana wo kwasə ncèp nè a sə tsòho nà' bə lɪŋ Nwì nè yi ŋgà lùŋsè ves nə.

¹¹ Ja'a yòo mvè'nè Nwì a nìtsè' bònèm nè nje nə də ya ndàaŋwè pwe' tse' lùŋ-è. ¹² A gù bònèm ye nə ŋkuŋ vesùwèŋ rì ŋga'a də a me'rə bum sè yà' ka bə mandzè Nwì yeŋ, nə ye bum sè yà' sə bòvesùwèŋ sə nze fɛɛŋ sə. Ya vesùwèŋ cum ɛ ncu nè bə ŋkərə, nè nà'a rərəŋ mvè'nè Nwì dzəm də a cum sə nzeŋgòn fɛŋ sə. ¹³ Vesùwèŋ cum vɛ'nə, nə sə tək nùmbu nè ghaŋ nè a sə naaŋ tu bə zeŋ nə, ghà nè Jisòs Krest nè nìtsè' fa bwìŋ ŋaaŋ ye sə. Yi Jisòs Krest nə, yi Nwì àvès nè ghaŋ, nə ye sè' ŋgà lùŋsè ves. ¹⁴ Yi à fa yòŋsè ye bùu tu avès də ya yi fiŋ me'rə fis vesùwèŋ bohòbup. A ye sè' də ya yi gù ves ŋgòye bùu sè bə ntəm rərəŋ, ya a fa ntəm ŋgògù mègù yusè yà'a bəboŋ.

¹⁵ Tsòho fa bwìŋ bum yà'sə. Cèp bohòwo bə ŋgì nè co ŋwè nè wo a fa yi ñaŋ ŋgòcèp, nə tip wo ya ntəm awo boŋ, nə jwa sa'rə wo sè', ŋwèe kà wu co yusè wà jə.

3

Ntip Bə Ncu Krètèŋ Mùtsətsə'rəò Bùu Mok Wèŋ

¹ Sə tsoho mali fa bwìŋ də wo sə jəŋ ni' awo sə nze bohòŋkwàha bùu sè wo tse' lak sə wo. Wo sə wəp yà'wèŋ, nə sə fuhù ŋgògù nsàp fàk nè fòpwe' nè nà'a bəboŋ. ² Wo kà lɪŋ ŋwè nəmòk

bup to, nə kà də wo sə kuəm sè' duk. Wo ye le fùè, nə sə ye bohòbwiŋ pwe' sè' bəboŋ.

³ Wèeŋ riŋ də vesùwèŋ ànə ye to yàvès sè' ləm, vesùwèŋ kà duk sə yuk, nə sə jam mandzə. Vesùwèŋ à ye co ŋkwèŋ bohòbum sè yà' à sə bòves sə. Ntuum avès à rwiŋ mègù ca bə bup, a sə waŋ bum bwiŋ, bwiŋ sə beŋ ves fana vesùwèŋ sə beŋ mòk bə mòk. ⁴ Anə kə dzeŋ ŋga'a ghà nə Nwi nə yi ŋgà lùŋsə ves nə à nìtsə' fa ves bòvəm nə nje bə dzədzəm nə nje nə fana, ⁵ yi lùŋsə vesùwèŋ. Yi ànə ka vesùwèŋ də bùusè a gù yumok sè yà'a bəboŋ lùŋsə, ànə ye bùu koksəmanziŋ nə nje nə. Fana yi cuk reŋsə ntuum avès, nə fa ves lùŋ nə fi, nə gu ves bə Yòŋsə nə Rəreŋ nə ŋgòye mok bùu sè fi. ⁶ Yi à kè' sès fa ves yòŋsə ye nə ve'e cèbùè. Yi fa ves nà' ve'nə ndzə bohòjisòs Krest nə yi ŋgà lùŋsə ves nə. ⁷ Yi ànə gu ve'nə ya ŋga vesùwèeŋ ye kəkùrè bùu bòvəm nə nje nə, ya vesùwèeŋ nə kə tse' lùŋ nə nà'a nə kà mè, nə a sə naaŋ tu fo' nə.

⁸ Ncèp ènə ncèp nə zìnə co a naaŋ tu fo'. Mù dzəm də wu sə cep mali bə bum yè'sə gugun, nə kà teŋsə, ya bùu sè wo à dzəm bohòNwi yà'a wèeŋ sə tsərə nùumbu pwe' ŋgògù yusè yà'a bəboŋ. Yà'a ye kəkùrè nə tse' swe' bohòbwiŋ pwe'. ⁹ Fana wù kà də wu sə fi'duk bə bum sè yà'a bum ləm sə duk. Kà də wu sə fi'duk bə nzak ŋgàam sè ŋgòta bə liŋ tàcici weŋ sè njamòk duk, nə kà sə kùəm, nə kà mamfenə bə lùuk bùu Jus wèŋ sè' gù. Nsàap bum yà'sə ka fàk tse', kaco yà' jəŋ lo ŋwè mantombi yeŋ. ¹⁰ A ye-a ŋga ŋwè

nəmòk fenə wu bə bum sè wù sə yə'rə fa bwɪŋ sə fana wù tip to yi nè kè' mò'fis, nè tip yi nè ba. A ye-a nga yi ka sè yuk fana wù cò'rə fis bo ndzə ni'ì yi. ¹¹ Rɪŋtse' də nsàp ŋkərè ŋwè ànə tətəŋ. Yi yà'sə ŋgà gù bɔp, yi bɔpsə tu ye laŋ.

Ncèp Nè NgòLəsə Lòo

¹² Ghà nè mɔ tum fa-a wu Atimàs kè Tikikòs də yi kə cum fo' àlɛ' wù caŋ və kə tseŋ mɔ mvwe' lak Nìkàpòlìs, bùusè mɔ nè cum fo' tètè mbùŋ ta ŋkuŋ. ¹³ Jihi nzòŋ gɔgɔŋ ŋgòtesə Zenàs ŋgà sak nzak bə Àpòlòm vè'nè wo nè sə gi sə, ya wo kà yumok jamè. ¹⁴ Gù bùu avès ya wo riŋ ŋgògù bəbòŋ, ya wo tesə ni' awo, nè sə tesə bùu mok wèŋ sè'. Kà də wo sə casə bɔpsə mvèk wà duk.

¹⁵ Bùu sè vesi wèŋ cu fɛɛŋ pwe' cèpsə wu bəbòŋ. Cèpsə bùu sè wo sə dzəm ves bùusè də wo a fa ntəm awo bohòKrest yà'a. Bèbo nè Nwì nè ye bohòwèŋ lòŋ.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

c475d5b3-da44-51cf-93ca-f255b72fe481